

史
載
之
方

史載之方卷上

四時正脉

春

春脉弦其氣來柔軟虛而滑端直以長名之曰弦反此者病其氣來實而強名爲太過病在外其氣來不實而微此爲不及病在中太過則令人善忘忽忽胃眩巔疾不及則令人因胃痛引背下兩脅胛滿

夏

夏脉鈎其氣來盛去衰反此者病其氣來盛去亦盛此爲太過病在外其氣來不盛去反

盛此爲不及病在中太過則令人身熱而膚
痛爲浸淫不及則令人煩心上見欬唾下爲
氣泄

秋

秋脉浮其氣來輕虛以浮其氣來急去散
故曰浮反此者病帝曰何如反其氣來毛而
中央堅而兩旁虛此謂太過病在外其氣來
毛而微此謂不及病在中太過則令人逆氣
而背痛愠愠然不及則令人喘呼吸少氣而
欬上氣見血下聞病音

冬

冬脉營其氣來沉而博故曰營反此者病其
氣來如彈石者此謂太過病在外其去如數
者此謂不及病在中太過則令人解休脊脉
痛而少氣不欲言其不及則令人心懸如病
飢眇中清脊中痛少腹滿小便變

中

脾無善脉止見惡脉盖脾脉以和緩為主故
四時之脉雖不同春脉弦夏脉鈎秋脉毛冬
脉營皆要有脾脉若脾脉不見便是五藏真
脉見真脉見者死所以脾無善脉者謂其常
脉便是吉脉其太過不及皆爲病脉太過則

令人四肢不舉其來如水之流者太過也濕勝則然耳不及則令人九竅不通名曰重強其來如鳥之啄者不及也土不用事則然耳濕勝而其脉如流邪乃傷腎土不用事而九竅不利因受木所制木制則脾受水矣九竅不利故多生浮腫脹滿之疾久而成水

真脉

真肝脉至中外急如循刀刃青黃然如按琴瑟絃色青白不澤毛折乃死真心脉至堅而搏如循薏苡累累然色赤黑不澤毛折乃死真肺脉至大而虛如似毛羽中人膚色白赤

不澤毛折乃死

真腎脉至搏而絕如以指彈石辟辟然色黑黃不澤毛折乃死

真脾脉至弱而乍數乍踈色黃青不澤毛折乃死

厥陰所勝生病

運氣所勝

飧泄食減躄重煩寃腸鳴腹支滿甚則忽忽善怒眩胃巔疾脇痛而吐甚衝陽絕者不治

司天所勝

體重肌肉萎食減口爽目轉耳鳴胃脘當心

而痛飲食不下舌本強食則嘔殮泄腹脹漉
泄痲水閉

在泉所勝

洒淅寒如瘧善伸數欠心痛支滿兩脇重急
飲食不下鬲咽不通食則嘔腹脹善噫得候
與氣則快然如衰身體皆重

少陰所勝生病

運勝

瘧少氣欬喘血溢泄注下噤燥耳聾耳中熱肩背熱

天勝

喘嘔寒熱嚏鼽衄鼻窒甚則瘡瘍脇痛善太

息膏中煩熱嗌乾右胫滿皮膚痛寒熱欬喘
唾血鼻衄溺色變瘡瘍肘腫肩背臂臑及缺
盆痛

地勝

腹中常鳴氣上衝胃喘不能久立寒熱皮膚
痛齒痛頰腫惡寒發熱如瘧少腹中痛腹大
太陰所勝生病

運勝

腹痛清厥意不樂體重煩冤肌肉萎足萎不
收行善癭脚下痛飲發中滿食減四支不舉
腹滿溇泄腹鳴反下甚而大谿絕者不治

天勝

胸中不利陰萎氣大衰而不起不用當其時
反腰睢痛動轉不便心下否滿少腹痛時害
於食肘腫骨痛陰痺陰痺者按之不得膏脊
頭項痛時眩大便難陰氣不用飢不欲食咳
唾則有血心如懸

地勝

飲積心痛耳聾渾渾焯焯噎腫喉痺陰病血
見少腹痛腫不得小便病衝頭痛目似脫項
似拔膏似折髀不可以回膈如結喘如別

陽明所勝生病

運勝

兩脇月下少腹痛目眚痛眚揚耳無所聞體重
煩冤膏痛引背兩脇滿且痛引少腹甚則喘
逆氣咳肩背痛尻陰服膝髀踣足比眚病

天勝

脇痛目赤掉振鼓慄筋痿不能久立口便變
寒熱如瘧甚則心痛左胠脇痛寒清干中感
而瘡欬腹中鳴注泄鶩溇心脇暴痛不可反
側嗑乾面塵腰痛丈夫癩疝婦人少腹痛目
眚眚揚瘡瘕癰

地勝

昏病喜嘔嘔有苦太息心脇痛不能反側甚則噎乾面塵身無膏澤足外反熱

太陽所勝生病

運勝

身熱煩心躁悸陰厥上下中寒譫妄心痛甚則腹大脛腫喘欬寢汗出憎風

天勝

心熱煩噎乾善歔嚏喜悲數欠熱氣妄行善忘甚則心痛嘔血血泄歔衄善悲口口時眩仆腹滿手熱肘攣掖腫心澹澹大動膏脇胃腕不安面赤目黃善噫噎乾甚則色焔渴

而飲

地勝

少腹控辜引胛脊上衝心痛血見啞痛頷腫
□□□少陽所勝生病

天勝

欬嚏孰衄鼻窒瘍寒熱肘腫心痛胃脘痛厥逆
鬲不通熱上皮膚痛色變黃赤傳而爲水身
面肘腫腹滿仰息泄注赤白瘡瘍唾血煩心
胛中熱甚則孰衄

地勝

注泄赤白少腹痛溺赤甚則血便少陰同候

六氣復而生病

厥陰之復

少腹堅滿裏急暴痛心痛汗發嘔吐飲食不
入而復出筋骨掉眩清厥甚則入痺食痺而
吐

少陰之復

燠熱內作煩躁甄噤少腹絞痛火見燔焞噤
燥分汪時止氣動於左上行於右欬皮膚痛
暴痞心痛鬱胃不知人迺洒淅惡寒振慄譫
妄寒已而熱渴而欲飲少氣骨痿膈腸不便
外爲浮腫噦噫瘡瘍癰疽甚則入肺欬而鼻淵

太陰之復

體重中滿食飲不化陰氣上厥胃中不便飲
發於中欬喘有聲頭頂痛重而掉瘧尤嘔而
密默唾吐清液甚則入腎竅泄無度

少陽之復

驚癰欬衄心熱煩躁便數憎風厥氣上行面
如浮埃目而睨瘧少氣內發上爲口瘡嘔逆
血溢血泄發而爲瘡惡寒鼓燦寒極反熱嗌
絡焦槁渴引水漿色變黃赤少氣脉萎化而
爲水傳爲浮腫甚則入肺欬而血泄

陽明之復

病生脘脇氣歸於左善太息甚則心痛至滿
腹脹而泄嘔苦欬噦煩心病在萑中頭痛甚
則入肝驚駭筋癱手

太陽之復

心胃生寒膏中不利心痛痞滿頭痛善恐時
眩仆食減腰膝反痛屈伸不便少腹控臑引
腰脊上衝心唾出清水及為噦噫甚則入心
善忘善悲

論六氣所生之病

五行之為病一也而所生之氣不同如木之
所至為風化而病之生不獨止於肝火之所

至爲^熱而病之生不獨止於心此司天司地
統歲紀運之不同故爲病亦從而各異又有
乘年之虛過月之空失時之和或勝而所勝
受刑或復而制於所勝且以經言之天火下
臨則肺氣上從則白起金用而草乃青燥氣
下臨則肝氣上從則蒼起木用而土乃青以
常所勝而論之則火至而肺病金至而肝病
今也天火下臨則金以從天之氣而白迺用
故病反生於肝天金下臨則木從天之氣而
蒼迺用故病反生於脾類舉而推則厥陰司
天脾氣上從而水斯青太陽司天心氣上從

而金斯者少陰司天肺氣上從而肝斯者太陰司天則腎氣上從而火斯者皆可矣此天度之尊獨異於他經言天能制色以其能制勝已而使不爲害至於司地則氣化之正各隨其證耳若夫紀運統歲之不同則又視其司天之氣化如六甲之歲陽土當運有陰凝流衍之布宜與六己之歲不同也然己巳亥與六甲之歲同六庚多肝病而庚寅庚申之歲金不能制肝六戊多肺病而戊辰戊戌之歲火不能害肺氣化所至譬如權衡可即其氣以求其病惟勝復之候不同難以前

期亦隨其氣之多寡以求其證勝之爲病輕復之爲病重勝則所不勝者順受其克復如報怨仇焉此又不可不知也今以木之受病本於肺金之所制則不過如肺氣有餘凌犯於肝生眼昏背癢耳無所聞胃痛躄重之病耳若迺水化之盛肝氣妄行大傷於脾則金必相救邪反傷肝能使人體重煩冤背痛引背兩脅滿宜痛引少腹故經言上應太白星者謂金之復也雖然人之氣猶口天地之氣五藏之氣即五運之氣三陰之氣即六氣之變顧一身之氣多寡之如何亦不必因天地

之氣化所生巳亥之歲人多肝病而有病肺者子午之歲人多心病而有病腎者此一人之身自有天地之氣化調治之法與五運六氣所至之法同至於病一也而所生之病所受之本所以至病之由不一者或以本藏有餘而成或以本藏不足而成或經絡所過之處同而成經之所載二火所生之病雖輕重不同而其實則一太陽水土共胞寒濕同化所生之病亦類目會衆筋而病變多端心統五藏而病生竒怪清濁異源各有其機表裏殊狀各有其應今詳舉之以明治病之訣

大府泄

肝熱刑脾而泄即經言飧泄餘證當腸鳴腹支滿口膠渴小府赤宜涼其肝輕益其胃診其脉六脉輕弦胃上得肝脉不至大弦然六脉雖弦亦不必有骨力以泄則氣虛不實故也宜用荆芥散

荆芥穗

壹分

防風

芍藥

訶子皮

羌活

甘草

各壹分

白茯苓

半兩

厚朴

十銖去皮

木香

三銖

右爲細末非時以水壹盞東壹个同煎三錢匕和滓服

脾濕而泄經言腹滿澹泄餘證腹痛體重食減甚則足痿行善契脚下痛宜用削朮豆蔻散

草豆蔻

削朮

訶子皮

各壹兩

大芎

陳橘皮

各半兩

甘草

梔木

各八錢

獨活

藿香

各一分

右爲細末空心水吞下薑黃兩片棗兩個同煎三錢取八分和水服

腎水之寒亦生澹泄以寒濕同化所生之病一耳經又言寒迫下焦傳爲濡泄陰氣入腎竅泄無度洞泄皆屬於水土之所生其證躄重食減腹痛四支不舉甚則注下赤白腰膝

酸痛服膝不便若脾氣之濕則六脉渾濁如
革濡散而大如按泥漿加之腎寒則又沉伏
遲弱動而無力宜併治其水暖其脾腎暖脾
藥宜以荆朮豆蔻散暖腎藏方草解勝金丸

草薺

訶子

各壹兩

石斛

續斷

芎

附子

巴戟

心士

官桂

藁本

各半兩

蓬莪茂

山茱萸
細辛

當歸

獨活

各壹分

右為末煉蜜丸如梧桐大空心米湯下五
七十九

又方宜服舶上硫黃丸

方見前門

肺金之勝亦生腹鳴溏泄肺主清肅之氣流入于中變成寒中驚澹又肺王少腹故生斯病餘證少腹痛中清脘脇痛其脉六脉毛而微不浮毛為肺脉微則泄而氣弱初泄則本肺脉一指偏一二日則變而微但不浮耳尺澤沉而小擊宜溫其肺四味芍藥散

吳白朮 芍藥 桔梗 香白芷

右等分爲末非時水壹盞生薑三片同煎三錢匕入棗二个取八分服

大府秘

肝心氣實風血相傳大府結澁口苦舌麁甚

則口乾膠小府赤頭痛眼昏六脉洪大而實
宜用柴胡湯

柴胡

前胡

防風

杏仁

去尖

羌活

茯苓

甘草

芍藥

各一分

麥門冬

志

乾地黄

八錢

半夏

二錢

右爲麤散食後并非時水一盞葱白一根
同煎三四錢匕取八分去滓服

肺氣上實其氣上蒸不能傳送大府祕熱其
脉浮而疾尺澤脉短寸口脉大宜用柴胡湯
加紫苑麻黃各一分良

寒濕之勝大府反祕經言陰氣不用便堅以

土不用事脾胃不動無傳送耳其陰具水土之證脉亦如之宜用大腹皮散

陳橘皮內壹

青橘皮

大芎

五味子

芍藥

香白芷

甘草各

大腹皮

草豆蔻

各半兩

木香

檳榔

各四兩

右爲細末每服三錢匕非時水一盞煎八分

和滓服

元氣虛弱腎水空虛胃無津液大府澁遲六脉微而虛宜用菘蓉粥

肉菘蓉一分米一掬先洗菘蓉令淨切令極細同米用水兩碗已上煮作稀粥

既熟入少許葱并薄入鹽將酒調和空心
投三四盞

小府秘

小府之秘其狀難識有淋有癢有溢或疼不
疼肝心之氣盛實而熱小腸氣虛熱氣流入
膀胱遂成小府赤溢之病其脉數而輕弦尺
澤弦而長又微緊或心脉長皆主此病宜用
此方

芩苓半兩 麥門冬志 芍藥 前胡

杏仁去皮尖 桔梗 防風各二分 荆芥三銖

甘草炙 木通各四銖

右爲細末食後以水壹盞薑蔥白一支同煎
三錢匕和滓服

又方宜服此五苓散
肝經之熱小府赤痛六脉弦急而長又發寒
慄宜用蔓荊湯方

蔓荊子 羌活 獨活 麻黃

荊芥穗 芍藥 木通 甘草

右等分前法煎食後服

濕氣寒氣之勝同犯於心心氣上行不得小
便小府不快宜服劑朮草豆蔻散又服此大
芎湯

大芎

兩

蓬莪茂

木香

四錢

伏苓

半兩

甘草

葶藶

各一分

右爲細末空心水壹盞入鹽少許同煎三錢匕和滓服

元氣虛弱腎氣不足膀胱氣虛衝任脉虛丈夫癩疝婦人癰閉宜服此方其脉六脉皆動細數而輕弦腎脉小擊而沉膀胱溢而短

五味子

壹

血茸

葶藶

牛膝

芎

各半兩

乾熟地黄

壹兩

蓬莪茂

青鹽

各一分

右青鹽壹味自爲細末餘七味爲細末蒸

餅丸如梧桐子大空心清湯下五七十元

身熱

寒邪所傷身能發熱寒氣外固陽氣內拒
鼻塞氣分麤聞氣出如火此當發其寒六脉
浮而輕疾散滿拍下

麻黃

去根
節

削木

各半
兩

薑朮本

芍

官桂

芍藥

獨活

甘草

已上各
去五分

細辛四銖

右為麤散空心并非時水一盞生薑一片

煎三錢去滓服

心火獨盛少陰少陽之勝身熱小府赤大府

祕頭痛口乾舌龔骨疼六脉洪大而實有骨力又數宜用此方

伏苓

麥門冬去心

芍藥

麻黃

前胡

柴胡

甘草

羌活

桔梗

各分

牡丹皮

四銖

右如前法爲龔骨散

肝氣之熱身亦發熱其狀與心火之勝同以風熱同化木火相助其候同也然肝之發熱所以不同者雖熱而往往自聞其寒多覺背上脊脊洒洒振寒并兩足多冷膠涎甚則嘔逆而吐六脉絃急而長其他與心火勝之

亦同然心火之勝脉必洪而用熱即洪大而
絃然亦有上於絃而不洪大者以風氣之獨
勝耳宜用此方

荆芥穗

羌活

獨活

芍藥

防風

麻黃

去節連翹子

秦艽

蔓荆子

乾蒺藜

甘草

等分

右爲盒散食後水一盞煎三錢取八分去
滓和滓任意又看其人氣實肝藏熱多
至於生涎則加天南星半夏白薑蚕乾
蠟各少許天南星白薑蚕可與衆藥等
半夏蠟隨意加減不必多涎結而大府祕

則以牽牛和上件藥服以踈爲度

身寒

經言陰盛生寒陽盛生熱元氣虛之腎水極寒發爲寒戰冷汗自出六脉微細而沉寒邪犯心則腎脉必擊而沉心下大動不安甚則仆倒宜先暖其腎後保其心暖腎臟方

牛膝

酒浸一宿

石斛

巴戟

志草薺

鹽水炙

芎

各半兩

續斷

伏苓

附子

炮

當歸

細辛

五味子

兔絲子

各分酒浸兩宿

右爲末煉蜜爲元如梧子大空心米湯下七

十元

溫氣之勝汗出憎風肌體多冷畏風食減倦
怠無力六脉渾濁而緩弱大而散面目無光
宜服前暖腎元并服此方

白朮

陳橘皮

芎

各半兩

細辛

高朮本

獨活

甘草

炙

藿香

官桂務草豆蔻

人參

半兩

乾薑白錄

右爲末煉蜜和元如梧子大空心米湯下
五十元

頭痛

頭痛之狀最爲難辨大風入骨而痛大熱入
骨而痛痰伏於膏中而痛元氣虛微而痛心

火之勝頭痛六脉之應皆應于心即用涼心藥風氣之勝而頭痛六脉之應皆属于肝即用涼肝藥氣熱而生涎亦能令人頭痛即用前取涎藥腎水之勝陵犯於心經言心氣上行痛留眉頂間甚則延及匈頭痛腦戶間痛宜暖其腎獨寒濕之氣初作未至犯心寒邪所客多襲於陰上貫風池熱府令人頭目不利腦後兩大筋迸急眉目昏眩此爲寒邪未入五藏六脉皆初傷寒之屬浮散而數宜用前發汗藥

腹痛

人有病腹痛者其狀多端經之所言亦多變
濕邪之勝腹滿而痛食減體重四肢不舉腹
鳴腸泄宜用此方神和散

草豆蔻

肉豆蔻

陳橘皮

白朮

各半

厚朴

去皮

丁香

木香

大芎

蓬莪茂

各一

吳茱萸

莢

訶梨勒

柱

芍藥

右爲細末每服叁錢空心水壹盞盛康两个

同煎八分和滓服

寒冷食物所傷厥入胃腹中撮痛即與前寒
濕勝痛之脉不同若寒濕之氣勝而腹痛六
脉皆微細而沉時時小擊經訣所謂陽絃頭

痛陰微腹痛是也至於爲冷寒之物所傷則六脉又緊而微緊應腹有形此爲物所傷者脉必有形而爲濕氣所傷者脉止於微而已宜用神和散加大腹皮半兩主之覺冷物未化即加青橘皮少許每服入半夏少許主之清厥入胃兩脇下痛及小腹痛此肺之清肅之氣所成六脉當急而微絃肺脉獨大而實左尺微小急蓋清肅之氣流入于中寒取聚而小腹有形經言連小腹而作寒甚則爲婦人癥瘕丈夫癰疽之類肺以毛爲主若口口爲熱沉大爲冷至於寒之所聚則大者斂而

爲小急又甚則緊緊爲痛應腹有形亦各從其類也宜暖行肺氣以散之

陳橘皮 蓬莪茂 紫苑 芎

京三稜 當歸 延胡索 官桂

桔梗 甘草 炙 木香 潞 大腹皮

芍藥 潞 白朮 半兩

右爲細末服時水壹盞生薑二片同煎三錢匕取八分和滓服

至於肺氣之勝已傷於肝則又能體重煩冤膏痛引背而痛宜服前方又服此暖行肝氣方人參散

人參半兩 當歸 桑寄生 白茯苓

蓬莪朮 芎 獨活 京三稜

甘草各分 藿香四錢 五味子半兩 木香四錢

右爲細末每服三錢服時水一盞棗二個同煎八分服

人有病胃脘當心而痛食已而痛又甚連腹中而急六脉絃緊而長宜用肝藥人有病兩脇下非時氣痛不安如生積聚一腹中鼓動搖悶不安甚則生氣塊上衝咽喉頭目俱迸口舌膠粘小便赤黃衝心而痛夜卧不安此爲肝涎與血相聚致生此疾其脉當洪大沉

實而有骨力以肝脉之熱生風而痛則脉絃而長今反洪大沉實者此爲涎伏之也宜用
荊芥散

荊芥穗 連翹 羌活 牡丹皮

黃芩 杏仁 當歸 芍藥

山梔子 大黃剉 蔓荊子各一分

右每服三錢食後水一盞生薑一片半夏末少許同煎取三四沸和滓服大府不甚祕減大黃若大府祕甚自作大黃末每服酌量加減進服其大黃一味自修製臨時末

素問舉痛論云寒氣客於脉外則脉寒脉寒則縮蹇縮蹇則脉細急則外行小絡故卒然而痛得只則痛止其脉正與寒濕之氣脉同宜神和散

舉痛論云寒氣客於經脉之中與氣相薄則脉滿脉充大而血氣亂故痛甚不可按其脉散滿指下充大而至數不多却不甚有骨力宜去其寒而行其血氣

當歸

大芎

蓬莪茂

伏苓

大腹皮

陳橘皮

青橘皮

延胡索

官桂

各二分
木香

四銖
芍藥

十銖

右爲細末每服三錢非時水一盞煎八分服
舉痛論云寒氣客於腸胃之間膜原之下血
不得散小絡急引故痛按之則血氣散痛其
脉亦差大差緩而沉宜用前藥青橘皮者
舉痛論云寒客於夾脊之脉則按之不能及
故按之無及夾脊乃督脉之所行其脉當尺
澤沉而擊宜行其腎經以去其寒

烏藥

分

芎

當歸

京三稜

蓬莪朮

延胡索

各分木香

鱉甲

各四分

甘草

炙三錢

右爲細末空心水一盞煎三錢服

舉痛論云寒氣客於衝脉衝脉起於關元隨
腹直上客寒所犯則脉不通脉因之則氣不
通故喘動應手其脉當實大有形不勻輕滑
而又緊來疾去遲如有物制之宜通其脉行
其氣

桔梗

半兩

大腹皮

芍藥

木香

當歸

陳橘皮

枇杷葉

去毛

半夏

自爲末每服
入兩豆許

芫花

好醋於土鍋內煮過乾炒
令煙出焦黑已上各壹分

右爲細末每服三錢生薑一片同煎八分
服以大腑通疏爲度宜服神和散之餘如
此夕喘宜調暖其肺

舉痛論云寒氣客於背俞之脉則脉溢脉溢則血虛血虛則痛背俞主於心故相引而痛按之則熱至熱氣至則痛遂止脉溢以血虛而不行其脉六脉細數而肝心尤微心脉如帶芤重按即缺往往身有汗宜足其血以保其心

人參一兩

當歸半兩

木香

延胡索

烏藥

官桂

甘草

茯苓

防風一分

沉香三銖

陳橘皮十銖

闕右語

舉痛論云寒氣客於厥陰之脉者絡陰器繫於肝寒氣客於脉中則血泣脉急引脅與小腹痛矣其脉皆輕帶弦肝脉連腎脉弦長而緊甚則透過尺澤而弦宜用此方

白芷疾梨

半兩炒
去尖

蔓荆子一分

芍藥

獨活

蓬莪茂

甘草各一分

麻黃

十銖
去節

右爲細末每服三錢空心水一盞棗兩箇同煎八分服

舉痛論云寒氣客於小腸膜原之間絡血之中血泣不得注於大經血氣稽留不得行故卒然成積其脉沉大而實膀胱動而有聲宜

通其小腸

血茸

大芎

蓬莪茂各半

草薢

木香

當歸

茯苓各半兩

青鹽三銖

右爲細末蜜丸如梧子大空心清湯下五

七十九

舉痛論云寒氣客於五藏厥逆上泄陰氣竭
陽氣未入故卒然不知人事氣復反則生矣其
脉伏而大極無骨力三部皆扎身有冷汗宜
灸氣海後用暖藥舉痛論云寒氣客於腸胃厥
逆上出故痛而嘔其脉細而滑宜用神和散

加茯苓人參各半兩

脹滿

人有病腹脹滿善噫兩脇滿咽膈不通此肝勝也其脉弦而長宜涼其肝人有病腹大小腹中痛惡寒發熱如瘧小腑赤其脉洪大此心熱也宜涼其心人有病小腹痛睡不得小便頭痛目似脫頂似拔腰似折此土濕之勝宜暖其脾其脉當濁而動人有病右胠胠滿肘腫心痛肺脹腹大滿膨脹而喘咳此氣爲火所勝其脉两手寸口洪大肺上亦洪骨力小如心脉此爲心肺相持宜解其金人之熱

以平其心肺

黃耆半兩

麥門冬去心

茯苓

紫苑

麻黃去節

防風各分

羌活

甘草炙四

杏仁十四個
去尖

右爲麤散非時水一盞薑一片棗一箇同

煎三錢去滓服

人有病身肘腫腹滿仰息泄注赤白欬血此少陽之勝與火勝同候其脉亦然以前方主之

喘

世人論凡喘者皆以爲肺然有服肺藥而不愈者遂以肺不受藥爲難治何以言之繆也

又或以肺熱而喘誤投涼藥此又近似之言
止可以知肺喘而未足以明五臟之喘且以
經言之所言諸痿喘嘔皆屬於上未嘗以喘
屬於肺至於言五臟之多寡六氣之勝復則
喘之所生可指其狀而明藥之所投亦可以
隨其證而效

今人有病胸中煩熱噤乾右胛滿欬喘唾血
肺脹腹大膨脹而喘者此火之刑金肺傷而
喘也宜用此方

交門冬

去心
半兩

桔梗

麻黃

去節

紫苑

杏仁

去皮尖

柴胡

前胡

甘草

貝母

已上各一分志

羌活

生薑

黃耆

右為籠

散每服三錢水一盞生薑二片煎至七分去滓溫服
人有病左脇痛寒清于中欬而喘此為肺之
清氣所成宜用此藥六脉毛而微腎脉伏而
小比之火之盛刑金則異矣蓋火盛刑金而喘
則六脉純得火脉疾大而有力若寸口偏大而
關脉帶乳即須唾血

人有病腹大脰腫喘欬寢汗出憎風胷中滿
食不消化食減體重六脉沉重而濁渾渾革
至如物制之此為腎寒大過宜暖其腎

續斷

牛膝

細辛

五味子

巴戟

附子

當歸

兔絲子

補骨脂

各分

大芎

草薢

各半

木香

右煉蜜丸如梧子大空心鹽米湯五七十九以神和散並進

人有病肝臟風壅積涎所聚伏膈間口乾而膠食即惡心全惡肉味心躁不安夜卧不得開咽喉膈塞如物抵築多喘診其脉六脉皆大而沉伏重手取之隱隱然骨間乃得再再尋來疾去遲宜用治涎藥

荊芥穗

天南星

防風

羌活

白薑蚕

連翹

獨活

麻黃

乾荷葉

乾蠟

天麻炮

半夏

右等分修治爲細末每服三錢入半夏末一兩豆許水一盞生薑二片煎七分和滓飯後服有人得此涎候却緣久病而虛又誤服執藥或元氣本虛六脉大而無骨力却浮洪而數重手按之則浮指而虛有表無裏却不宜用前方此病難治當用此方

人參

半兩

天南星炮

防風

獨活

麻黃

天麻炮

琵琶葉註半夏

羌活

已上各一分

白薑吐

薏苡仁各十銖

右除半夏一味自爲末餘爲細末非時水

一盞薑三片煎至七分又宜時時以補藥助其元氣而徐以此壞涎藥撓之

人有病久患欬嗽虛萎氣乏胸中氣微不能報息六脉虛微而數此之一候並帶勞疾證即為難治若脉止虛微不浮而數寸尺調勻即藥到便安若浮數而虛亦勞也若浮大疾數而虛輕手取之全無骨力重手按之全不應指此不治之證肺萎當用此方

人參

半兩

五味子

茯苓

各半兩

敝魚甲

酥炙

山藥

麥門冬

甘草

枇杷葉

去毛各二分

黃耆

紫苑

半夏

阿膠

炙各四分

右爲麤散生薑三片每服入半夏一兩豆
許飯前服或非時服之又宜服補腎氣藥
以歸其元氣每服三錢水一盞煎至七分

脚痛

脚氣之病蓋由有寒濕之勝故經於太陰之
勝言足脛胛腫於太陽之勝言至引陰服筋
肉拘苛又言歲土太過甚則肌肉萎足痿不
收行善癭脚下痛飲發中滿四支不舉此寒
濕之氣所成也然天下之病固有似是而非
本異而標同用藥過差則利害相反若脚氣
之病本於寒濕之勝而至於肺熱而病生於

足胃熱而風生於足與脚氣相似而寒熱殊
狀試別而明之熱而足痛者以肺經之所行
也故經言歲金太過則股髀踣跖足皆病焉
胃熱而足病者抑以宗筋不行而傳爲痿
厥也

今有人病足痛得水土寒濕之狀六脉沉伏
而動上濁下虛尺澤微而澁宜暖其下用此方

牛膝半兩

黃耆半兩

獨活

當歸

石斛

附子

萆薢

五加皮各

天麻炮

大芎

續斷各十

細辛

木香各三

官桂四錢

芍藥一分

右爲末，薏苡以粉煮作稀糊丸，如梧子大，空心服五七十九丸，溫酒或鹽湯下。

肺乘熱而足病，則左手一手脈全微而細，左尺又小搏擊而沉，右手脈偏有骨力洪大，而肺脈尤甚，再尋虛弦而長，用修崔氏紫蘇方服之，蓋世人多以崔氏方治脚氣而得效，不知此方止可治肺熱脚痛耳。

紫蘇子

芍藥

官桂

茵芋

茯苓

大腹皮

桔梗

甘草炙分

羌活

三錢

麻黃

去節一兩

黃耆

半兩

右爲麤散，生薑一片煎三錢，以爲飲服。

胃熱而宗筋不潤則脚弱無力兩足酸軟或帶微腫診其脉胃脉一指絃而長又微帶疾六脉羸大宜用此方

大腹皮酢茵芋八銖

杏仁去尖

茯苓

芍藥

當歸

陳橘皮

甘草炙

薏苡仁各二主月橘皮四銖芎藭十銖

右爲蠶散非時薑煎仍以前暖腎藥壯元氣藥相兼而進若服此藥大府微利即住此却進補藥兩三日待定帖仍進此藥

脉要精微解

經曰春日浮如魚之游在波夏日在膚泛泛

乎萬物有餘秋日下膚蟄虫將去冬日在骨
蟄虫周密君子居室故曰知內者按而紀之
知外者終而始之此六者持脉之大法以經
意考之以四時之脉分表裏之淺深而決之
以內外之辨且以春日浮如魚之游在波則
陽氣之萌脉雖見而未出于膚夏日在膚泛
泛乎萬物有餘則脉已在膚矣秋日下膚蟄
虫將去則秋陰氣之至脉雖下膚而未至於
沉冬日在骨蟄虫周密則脉已沉矣以是知
內者按而紀之以明脉之在裏也如秋日之
下膚冬日之在骨是也知外者終而始之以

明脉之在表也如春日之浮夏日之泛是也然知内者必曰按而紀之者盖脉之在内非深按之無以得其實知外必曰終而始之則初按而病已見矣故因其病以推原其本啓元子乃以知内爲知脉知外爲知色殊非黃帝所謂持脉之大法也細舉而明之心脉搏堅而長當病舌卷不能言凡脉之搏以有所犯而鬼勝則搏心脉之搏以腎邪犯之也病舌卷而不能言舌雖應心而舌本盖少陰經之所散也治之之法不獨涼其心且暖行其腎其大而散當消環自己若心脉之亢雖亢

而軟縱失血亦當溫加之以胃藥

紫蘇子

黃耆

芍藥

官桂

獨活

茯苓

大腹皮

甘草

各一分

天麻

炮十銖

杏仁

四銖去皮共

右爲麤末薑煎不計時候用水一盞煎七分

寸口脉沉而弱曰寒熱及疝瘕及少腹痛又

曰脉急者疝瘕少腹痛病同而脉異啓元子

遂以爲經傳之誤亦不知變矣寒疝之爲病

有寒清連于小腹而爲疝故止言寸口脉沉

而弱不分左右之脉皆沉故也右沉則肺冷

而寒清之氣流入于中左沉則心氣不足血

爲寒邪所犯而少腹痛至脉急曰疝少腹痛
則言六脉之皆急也蓋經嘗言診得心脉而
急爲疝正謂此矣寸脉弱而疝者宜温其中
脉急而疝者宜緩其中

寸脉沉而疝者宜用此方

當歸

牛膝

各半

烏藥

木香

京三稜

蓬莪茂

延胡索

茴香

官桂

草薢

各一分

芍藥

大芎

各半

沉香

四銖

血茸

細辛

銖五

益智子

銖

右爲細末蜜丸如梧子大空心清湯六七

十九

脉急而疝宜用此方

蔓荆子

麻黄

芎

蓬莪茂

甘草炙

木香

茯苓各一分

芍藥兩半

獨活十銖

右爲細末每服三錢生

薑三片水一盞煎至七分不計時候服

明喜意脉

春戌夏丑秋辰冬未四時之喜神取五行之
養氣爲用皆歷三辰而數如春以戌爲喜神
即正月在戌二月在亥三月在子四時放此
而推若於脉中得之犯他脉喜有喜慶之事
四時脉皆於胃中見以五行皆資土以致用

而周身之脉亦因胃脉然後見於氣口如春脉以弦爲主須六部脉皆循循不急不絕不緊不數而胃脉微弦而緩絃爲春緩爲本六脉無犯主一月內喜應若正月於戌日見二月於亥日見三月於子日見則旬內應如胃脉帶弦而毛則主災夏脉洪爲主六脉皆隱隱而大不散不浮不滑不數胃脉微洪而緩洪爲夏緩爲本脉六脉無犯一月內喜應旬內得脉皆不出旬秋脉主毛胃脉上輕帶毛而緩又須有根蒂此一脉難辨如四時之脉盖若毛而輕如風如氣則反爲災不爲喜脉

惟不浮不輕緩緩而徐浮手按之乍如秋脉
重手取之則去來如一壓之不散舉之不輕
然後爲喜脉日辰之應與春夏同注冬脉最
爲易辨但胃脉沉而不擊即是

傷寒論

病有懸性命於豪髮之端決死生於頃刻之
下死生之間係醫者之工拙醫者之工則病
之痊愈速如轉圜醫者之拙則所投之藥過
於白刃此傷寒之病非獨傷人之急醫者之
難事也古人有言一日二日在於皮膚四日
五日傳之藏府故皮膚之間可汗傳藏府之

間可下世之學者未嘗不宗之以爲定論然不知人之有虛實則病之有輕重病之有輕重則傳之有遲速忽有經兩日三日而尚在皮膚忽有初經兩日三日而傳藏府善爲醫者當審察其脉審其病之所在而已嘗以治傷寒之病有四失一失之愚蓋傷寒之病其始在於皮膚其次傳之藏府當皮膚之間可汗於藏府之間可下苟不辨陰陽不分口內外當汗而下當下而汗誤投藥餌以傾人性命此一失之愚也二失之不精蓋傷寒之病傳之藏府則證候多端千變萬化莫能盡

究其毒氣之在肝者不可踈脾在心者不可踈肺五藏之治餘皆同此醫者治之決以爲病之所傳在於何藏方之所投當以何藥病之所滅當以何時藥之一投遂可平復苟不知病之源流不識病之傳受誤投藥餌以希苟合不幸而少有差悞人之傾危可立而待此貳失不精也三失之怯蓋傷寒熱毒傳在五藏攻損正氣其毒氣之盛如煙如霧薰灸三焦致令病危困不思飲食醫者反以爲胃氣之虛不肯通踈遂見傾損性命但今患傷寒熱毒之人飲食不進大府不通小便黃赤

病者危困即先定其病之所傳在於何藏急以疎轉之藥取其毒氣其病勢輕減則飲食增加而平復如故矣此三失之怯也四失之暴蓋治傷寒之法既失之愚又失之怯則不精不詳者不可容易言也愚因言治傷寒之怯切慮後之學者心術未明見識未到但務以不怯爲志妄投轉藥以傷人性命此余所以言四失之暴也後之學者苟能明此四失亦足以識治傷寒之大略至於陽毒所次陰毒所注其傳在五藏則藏證各殊貫於六府則府證各異其傷人之急者惟二感尤爲極

重余今輒以病證脉候陳其一二庶幾世人緣此之傳也

一日巨陽受之巨陽之脉起於目内眦背上額交顛上入絡腦下項循髀内夾背抵腰中在手爲小腸在足爲膀胱故頭項腰背強其脉當疾數而浮以散如新沐浴如風而左尺脉微緊而數

二日陽明受之陽明主肉其脉夾鼻絡於目故身熱目疼而鼻乾不得卧其脉又經於腹背上頭項在手爲大腸在足爲胃診其脉當疾數而浮漸漸按之如通於裏以陽明爲宗

筋而胃脉受之又漸入於裏六脉雖浮數而胃脉一拍微洪而數三日少陽受之問其脉循脇絡於耳故胃脇痛而耳聾又起於目銳眥上抵頭角下耳後其脉當疾數而利得六七至以上而肝脉又差數此三陽受病皆屬於表故其脉疾數而浮以其未入於藏府故經言汗而已

四日太陰受之太陰脉布胃中絡於嗌入胃上膈夾咽連舌本而散於舌下其脉當疾數而洪大有骨力胃脉差大

五日少陰受之其脉直行者從腎上肝藪入

肺中循喉臑夾古本故口燥舌乾而渴其脉
最爲洪大六七至以上心脉隱隱應指來去
如一

六日厥陰受之厥陰之脉自足上循陰器抵
少腹又上貫鬲故煩滿而囊縮其脉疾數如
長三陰三陽五藏六府榮衛不行五藏不通
則死大抵三日以前爲三陽受病其脉在表
宜汗三日已後三陰受病其脉在裏宜泄若
初經三日其脉疾數大表裏如一即不可汗
亦不可下只以解利藥通其中而已

一二日脉氣疾數以溫辛發散藥汗之而愈

藥中亦須有通表解藥不可純用熱藥既汗之後脉當安和繇軟不疾不數如老年衰削人脉輕手按之繇繇不絕重手按之隱隱不之即自然安寧若既汗之後疾數不解即難治加之以結則困重或至於死蓋結脉疾數而懸絕累累如珠而又不流利與滑不同但逐部位通流於指如滴水起頭是也然初得病一日二日內有增寒壯熱脉輕而浮乃謂之傷寒若才得病並無增寒頭疼欲碎身熱如火頭目赫赤眼睛逆火大府秘小府赤六脉洪大有骨力此名熱病雖初得亦不汗蓋治

傷寒之法惟初二日與熱病使藥不同三四日已後與熱病同鑿一日二日脉氣微小不疾不數不浮不散唯沉軟而細則汗之之藥宜極以溫辛如脾胃濡沉則是感冷之一候多變成陰證陽毒傷寒面赤頭痛身熱如火心神煩躁頭目昏眩項背強直脉候當洪大而有骨力

傷寒煩燥飲水不休若脉實而洪不是疾數是爲涎毒若洪大而不實是爲心脾受毒

傷寒後寒熱已退腹中餘一塊疼痛不可忍忽走在腿面上疼此爲遺氣在肝脉氣洪而

長肝脈循循而過左足宜清其血

四五日熱毒上衝心胃噎塞滿悶渾身壯熱
頭痛不止大府不通胷中痰實脈氣當寸開
脈實而尺澤輕如絕心脈炎炎而上

熱毒在肝善怒筋脈碎痛神昏不欲見人兩
脇脹滿手足躁不安臥右手關脈當偏大緊
急而長 熱毒在心頭疼煩躁而赤舌強口語
不快忽心痛善嘔狂言妄語忽思狂走入水
精神不守左手脈一指偏大若舌強硬急以
妙手針刺其舌兩傍出惡血不可刺其舌心
熱毒在脾渾身肌肉碎疼聞食即惡思吐通

身發熱兩唇乾焦邊脈動或環唇青黑色甚則腰痛腹滿兩頰痛右手關上脾脈一指偏大如衆脈

熱毒在肺上衝咽喉心胃壅實隔塞不通渾身大熱面色或赤而又帶白喘欬不得大息右手寸口一指偏大而加以浮

熱毒在腎腰背疼痛脊強急頭不痛若渴數飲甚則項痛而強脢寒以酸足下不欲言其脈當左手尺澤微而輕浮又輕緊

傷寒熱毒攻於肝心兩藏毒氣煩盛上衝於肺血隨氣逆鼻中衄血口中吐血甚則耳中

眼中皆有血診其脉當洪大而灸上如流水之
長如乍開乍合乍斂乍散此爲失血之候

熱毒內傷肝心兩藏肝心失守不能主血毒
氣煩盛上蒸於肺血隨氣行流入於肌膚發
爲赤班通身大熱頭重疼痛睡時如已身傍
畔更有一身精神昏亂不守其脉雖大而鬱
結不解重手取隱隱而有骨力如重夾綾絹
裹之爲發班之候

傷寒熱病發嗽坐卧喘急不安其脉右手寸
關脉當洪大而加之浮數傷寒熱毒熾盛薰
灸三焦攻穀手皮膚通身發如橘色其脉如發

班候而差沉與黃疸同法

熱病結膏心前閉塞膏中有一塊不通堅硬不散通身發熱頭疼不安面色黯赤喉中涎溢大府祕熱昏悶不省人事病與伏暑相似其肺當洪大而有骨力而肺脉實而不浮伏暑即結而沉

傷寒熱病五六日愈加困重因喫踈藥下糞如紫黑色病勢不減神思昏昏小腹膨脹狂言妄語不省人事甚則腹中有塊堅硬不散其脉結伏此毒氣攻血腹內有淤積惡物十嘗九死

陰毒傷寒渾身手足厥冷面青唇皮無色四肢無力心中寒慄重則閉目不知人事脉氣當細微而沉重手取之又軟而無骨力若腎脉細微而搏沉者爲重

診失血

脉訣謂衄爲失血衄脉狀如按環子內面兩頭有中間曲而缺非謂絕也若心脉肝脉帶衄而肺脉浮以數又肺脉微弦而緊則骨蒸咯血

心脉衄而肺脉軟沉尺脉沉伏微微帶緊腸風下血

心肺芤而尺脉緊膀胱滑小腸溺血

肝脉芤而肺脉大浮而促两手尺澤皆微喘而咯血

肝心肺脉俱盛洪大而不甚有骨力乍開乍合如流水之狀此金火相傳當吐血心脉微而緊促而朝上魚際急按即來遲去速此爲腸風下血少多心戰憚事無心力肝脉長而動下貫尺澤心脉大而實三焦血有餘亦當下血

肝脉細微而溢尺澤微胃脉濡大府失血

心脉與肝脉不盡連接如滴水起頭鼻衄出血

肺脉浮大而散心脉大鼻暴衄

訣云緊爲虫爲痔須肝脉亦緊并細方爲痔
不尔即虫也

六脉浮大無骨力來疾去遲輕手帶洪重手
取之如濡此久害瘡癰血少六脉浮大有骨
力肝脉弦而長肺脉大而實沉與胃相際胃
脉輕弦而濡此三焦血泛胃虛下血

六脉如常心脉動腎脉搏而沉又細而數血
泄或溺血便血

婦人胎孕在手關寸脉滑數而肺脉脉虛而
毛尺澤陷而與關脉不際者孕也若肝脉長

而溢寸胎漏失血胎下血有二有肝氣虛微
腎脈繇軟胎脈陷下胎動而失血者當補之
若肝脈有餘而失血是胎溢當涼也

婦人肝脈洪大而反結澁訣云澁脈生婦人
敗血若脈洪大而又伏則積塊而血不行久
則陰門腫以厥陰脈絡門而過

診失精

腎脈虛繇軟而沉又微以濡凡尺脈得八裏
脈又搏擊皆失精心脈動多憂交六脈濡緩
而輕浮又溢多溺精

六脈濡腎脈沉而細膀胱脈動而緩以大心

脉動而浮主小便白濁肝心脉弦而腎脉緊而細重手按之却來遲去疾小府當赤而濁腎脉細沉而微緊肺脉重而洪大小便即少腹先痛此寒伏於胞絡中

赤脉弦而結陽中有伏陰胞滿小便不出小腹逆脹

六脉如常人獨脾脉一指疾大而數唯腎脉差微主頭疼口乾溺精此為土邪入腎當清其脾

婦人尺澤帶弱遲八裏之脉膀胱脉動多下白帶若腎脉搏而沉陰中濕癢生瘡丈夫陰

濕此皆精氣之失

六脉皆澁又遲緩丈夫失精婦人敗血

心脉肺脉疾而動腎脉膀胱動而濡丈夫溺
多口乾若婦人產乳多口乾即多捕其腎不
可以口乾爲熱

診癩疝

癩疝之病尺脉緊而動按之即虛

肺脉輕弦而虛胃脉沉濡而軟尺脉繇軟寒

厥入胃肺主少腹少腹當如有形腎虛即成

癩疝疾

肝脉弦而疾腎脉繇軟而虛亦爲以厥陰抵

陰器絡陰而過乃爲癰疽

六脉急沉爲疝爲癥爲少腹痛蓋疝癥皆寒搏於中而急則爲痛腎脉大急沉爲腎之疝當暖其腎肝脉大急沉爲肝之疝當暖其肝心脉搏而沉又急而沉肺脉同診皆爲疝若小急而不鼓皆爲癥

診汗脉

脉訣曰陰微盜汗勞兼有此特其一端耳大抵汗爲血之餘若陰微則血不足則當主少汗此言微盜汗當絛軟而澁右手膀胱急而沉心脉搏而動方主盜汗小府澁忽失精

六脉皆滑主汗以其陰氣有餘故多汗

心脉大滑而腎脉搏沉以汗爲心之液今心脉大滑則水犯之而動故汗

心脉獨大而洪六脉疾而動主睡中忽然出汗以心氣獨主故耳

六脉濡濕而重濁脾脉大而濕主汗出憎風

論膈噎

六脉微而澁腎脉綿軟而沉來遲去疾如代脉相似心脉沉主元陽正氣虛弱陽事不起小便餘瀝輕冒風雨忽啞些子冷物即膈中噎塞如有一塊物在喉中飲食無味

肝心脉溢而遲來遲去速肝脉無骨力主鬱
喜怒忽憂淤思憶其狀心胷滿悶隔塞不快
飲食難下兩脇脹滿忽時氣痛衝心不可忍
面色青黃肝心脉溢而沉重手取之緩而無
力如新沐舉重來遲去疾胷中噎塞飲食減
少行步無力大府虛冷非時間心前如有一
條冷線上徹咽喉此爲冷噎六脉溢而浮汗
肝心脉浮大而無力胃脉大而散重手取之
雖無骨力隱隱而來唯兩手尺澤差短其胷
前隔塞飲食減少大府祕熱忽時不調喫鹹
即心躁喫暖即喉乾痰實頭目昏暈兩足無

力載身不起舌上生瘡唇皮焦裂或非時口
涎流衝肺散為乾嗽忽時急飢見食即吐食
不住腹此熱膈

六脉微有骨力而來遲却差小而微急主寒
熱氣隔其狀大府熱忽時却下黃糞汁膏中
鬲塞不快滯氣積聚

六脉浮大輕有骨力來遲去速肺脉偏大而
浮加之泛如促聚於寸口主熱噎膈前噎塞
不通飲食不下所喫湯水只到喉仍便吐出
所咽下津液只到喉中亦便吐出口膠非時
睡涎溢大府秘熱當用通藥利其大府熱咽

如上所說用引大府藥既通其大府即脉氣
洪大如實但去疾與尋常洪大之脉不同即
輕以解肺順氣益胃化涎藥餌之

六脉皆得噎脉肝脉偏大而溢肺脉橫格主
因怒而得大便不通

六脉皆噎脉肝心微小而弦微有骨力而來
遲因悲憂而得所喫物聞巡歷膏間隱隱而
下盖風不化血不盛當益其肝心順其氣

六脉濡伏重手取之如動而無骨力主冷噎
飲食不進身上厥冷胃中如有冷物填塞

六脉濡伏胃脉偏重濁而重主胃寒履濕而

得噎四支厥冷膏前噎塞飲食不下

診室女婦人諸脉

諸婦人之脉陰陽與男子相反當要尺澤隱
隱來去如一和緩不澁不弦寸口平方能孕
育若尺澤弦急肝脉動心脉疾六脉澁而不
與勻無子

血盛氣衰爲孕謂心脉洪大流利替替而滑
肺脉毛而微却不浮爲孕仍須尺澤與肝脉
微間而肝脉微橫卽是孕

肝脉澁而不絕尺脉微陷心脉滑是孕

肝脉澁心脉滑肺脉衰一如孕脉然尺脉急

而長爲敗血爲積血非孕

肺脉急而弦長右脉浮而短小腹堅硬如孕
肺脉急而沉腎脉濡沉小腹有形如孕

肝脉急而沉腎脉小急緊陰痒陰中痛腫
室女六脉皆弦而長又洪尺脉微緊經候通
行兩足痛腫行不得肌肉消瘦大府乾澁頭
痛眼昏室女十六七肝脉弦而長胃脉輕弦
表裏如一骨槽蒸熱風行周身上焦壅肌肉
消瘦忽通身黃黑面色帶黑小便黃赤五心
煩躁漸欲成勞

婦人肺脉盛肝脉軟而虛忽微而動心脉乳

肺氣有餘相刑尅肝木受金傷不能主血月
候多少遲速不定多不節以致無子偶然懷
之又無故墜下當減其肺益其肝

關尺微細而沉腎氣虧乏不能生肝經候多
少遲速不定不能生子

肝心脉弦緊而疾肺脉浮而大尺澤鬱鬱不
散月經不通大府祕熱兩足痛不得行肌肉
消瘦漸次如馬籃節

六脉弦緊而長心脉洪大而實尺脉結月經不
通長淤怒不得安處忽忽似顛狂夜不得睡
小便赤大府如常忽下鴨立活

肝脉虛弦而長按之無骨力心脉動而疾肝邪傳心日夜煩躁忽如顛狂不得眠睡六脉大而沉肝脉橫肺脉浮主婦人血熱經候行少背上非時有一片發熱無津液忽兩三月一次忽半年不行或止此小黑血

六脉大而沉重手取之隱隱乃得輕手如無重取却有骨力非如尋常沉伏之脉此因胎藏本熱忽因產後未經百日恣喫涼物寒熱相伏經及二三月年候不通全如懷孕惡血所聚如有身露下有塊但堅硬不動往往却氣痛只以辛溫藥散自然行下不必踈通

婦人脉如孕尺脉亦絕與孕無殊但六脉動而不勻胃脉輕帶伏此因經候行次或產後起早并悞喫生冷傷損氣血俱病因生積聚久無所療變成惡物其狀腹中成塊如蛇鼠如鹿如虎之類以手按之衝手跳起但此病到年深其惡物帶命喫人血盡忽絕無經候通行或經候行時只如淡水如此即傾危人也六脉疾大虛急疾大爲風浮血溢急爲尺澤有寒忽因經候行時忽因產後喫生冷不相當之物忽產後早起傷風血氣俱病臨經行時忽先氣疼忽小腹急疼

心脉亢肝脉虛尺澤微細血海虛損經候過
多忽成片流下不可禁止六脉皆沉肝脉弱
而虛尺澤細細如縷又帶澁而遲肝腎多感
寒伏在子宮血海虛損經候過多小便白濁
如米泔少陰腎脉貫脊而行背上忽有片寒
冷口中即吐清水

六脉疾大而浮腎脉急而浮心脉差洪血風
頭痛口乾吐痰

六脉弦大肝心脉澁而短尺脉急沉而搏緣
使性多癆怒傷損肝心正氣因而積涎怒而
氣逆涎隨氣上其狀聞得心前昏悶潰亂不

快遂有一塊之物上觸到咽喉即手足俱冷
口噤不開不省人事

六脉弦大而疾尺脉亦弦而動泛泛不絕經
候過多七八月不止皆下鮮血此非虛不可
補止可涼風血緣風盛血散然久而不止即
肝氣脫血

妊娠之脉若肺雖微然浮而聚於寸口當上
氣喘促

妊娠六脉雖要滑而流利然肝脉而洪大胃
脉亦有骨力則上喘而口膠見食多

妊娠之脉尺脉不絕與肝脉相連而口軟無

力又沉以細當主少腹疼痛蓋胎氣熱則挂
上冷則墜下

妊娠之脉尺脉急沉而搏胃脉濡而重六脉
又軟胎氣墜下陰門腫

妊娠六脉疾而動肝脉如長而散主胎漏失
血不可補之此血溢也當安其胎涼其血
妊娠又澤沉伏肺脉實沉而動腰痛不可舉
兩手沉重行步無力睡腸痛

妊娠心脉洪大而浮肺脉浮而散胃脉浮而
大通身瘙癢漸次面目渾身俱腫心躁不安
妊娠六脉皆結而伏胃脉沉而動主忽然如

中風心前昏悶即如有一塊物填塞此緣臟腑本熱而忽感寒忽感寒冷寒熱相伏而不散以辛溫散之

妊娠六脉洪大過關溢寸主上菴有熱唇口乾焦口舌生瘡非時頭痛不安小便黃赤

妊娠血有餘六脉大而疾又緊而流利表裏俱有骨力主渾身碎痛并腹內疼不可忍者宜涼其血

婦人妊娠有發熱如瘧雖夏常畏風此肝盛血熱風行于表熱極即生寒若肝盛胃虛即更右一臂生寒以妊則血盛而氣衰故也診其

脈當左長而緊微帶浮右關沉而濡如按泥漿

婦人之脈六脈俱沉細而急左手尺澤微而緊指指如縷而轉連及肝脈按之即結而散此胞精不足當久患敗血赤白帶若動而數加之以短即不久傾危

婦人之脈皆沉而洪大重手取之其深至骨隱隱然應指有骨力來疾去遲至數與常人無異但胃脈亦洪大上膈有伏涎此爲血溢生積當經候不快忽不行腰痺口乾而渴背逆眼睛逆兩臂重手缺盆逆大府祕心憎夜

不得眠

診黃疸

黃疸有二有肝熱刑脾而疸有濕極而疸若
肝脉洪大胃脉濡弱而濁肝脉加之浮腎脉
搏而擊即發黃疸若胃脉重濁而弦長按之
無骨力腎脉搏而沉心脉有動象即濕極而
發疸然疸之病多先目黃以衆脉皆會於目
糸所以肝熱亦目黃而疸胃熱亦目黃而疸
肝熱即口乾引飲小府赤而澁胃濕亦目黃
而口不乾小府赤而不澁又有下部冒寒寢
濕濕氣衝心發爲目黃不必是疸素問言太

陽之勝有面赤目黃者是也只可緩行其小
府濕熱相鬱而疸即口脉洪而大不弦却帶
軟而長宜利其小府

半產正產論

夫半產正產婦人之常事也然其間多有產
後染成大病忽絕無水行忽宮藏虧損不禁
忽積成癥瘕而歲久月深傾損性命此無他
輕之以爲半產而不甚將養之所致也不知
半產之候其將養當過如正產十倍正產止
血藏空虛半產即肌骨腐爛常切壁言之正產
有如果中之粟夫粟之爲物俟其自熟陰陽

氣足則其殼自開而粟子自墮方是之時子之與殼兩無所損如婦人懷孕十月已滿陰陽氣足則其子宮自開而兒子生下若月未滿足因誤服藥餌忽寒邪熱毒所傷忽扶輕舉重忽倒地打傷其胎藏傷損胞系腐爛然後其胎墜下即有如世人採折新粟碎其皮殼就殼中斷其根蒂然後取得粟子此其半產之喻也以其胎藏傷損胞繫斷去而後胎墜下則其半產之人將養調治得不過如正產十倍者哉正產之後補其虛生其好血化其惡血保其藏氣去其風邪人人無有不安

也半產之後補其虛生其肌肉益血窮其所
因解其病去其風邪養其藏氣加之將養過
如正產十倍損傷之胎無不平復也吁世之
人多輕之至於傾危不可勝數得不惜哉

正產半產出血過多不可禁止忽氣悶不識
人其脉洪大而浮以泛如新沐如破肚之脉
若微細而澁絕其候凶

胎死腹中其脉洪大而沉尺澤當澁透下部
不澁不絕即無畏謂胎不下當氣滿實所以
洪大而沉又澁寸過若澁而短即死

婦人欲產漿破血下渾身疼診其脉當洪大

而有骨力尺澤透而長方是正產謂孕則尺
脉不來欲產而漿下則尺澤透若渾身疼甚
而漿未破血不肯下即難產凡渾身痛甚須
是腰痛連穀道疼逆痛方是正候以少陰犯
胞絡脉連腰過脊及肛門若只是腹痛不可
用作正產候

產後脉結而澁尺脉短而動肺脉浮而急即
是衣未下產後血風虛熱搏之洪大而數數
與疾不同數則兼動与短主血暈面色深赤
身體如醉見屋宇如旋倒忽頭痛重不安
產後血風虛熱搏之洪大而疾心脉實而有

骨力肺脉洪而浮主血逆頭疼面赤如醉身體如在虛空大腑祕澁語聲微細

產後六脉得洪大如血暈脉胃脉實而絃肺脉浮而洪主大腑祕熱頭痛面赤惡心嘔逆產後如骨蒸脉六脉弦而微緊有骨力主血行少未經數日身下乾淨腹中餘血惡血未下非時氣痛攻心刺肋

產後六脉輕浮微有骨力而來遲肝脉細而虛絃多因小遺登後早忽亂喫食物早宮藏傷風飲食減可近以十日遠經半月粥食不進才喫一口湯水即聞湯水巡歷胷中方下

入胃既入胃仍下出面色井肉色黃形體困
重此候留風邪在中血熱而感寒成寒熱隔
氣風不用事食不化此病湏是喫得酒一兩
盞方可調理每日宜服酒一兩盞如治風咽
調理故予特製此方

細辛

官桂

芎

當歸

各半兩

羌活

藿香

各一分

木香

一銖

桑寄生

一分

吳茱萸

蓬莪朮

各三銖

甘草

四銖

右爲細末每服三錢空心煎防風湯調下
喫了渾身手足暖忽頭疼即連喫酒兩盞
候通身發熱忽行下惡物即便安樂也若

人得此病須是依上件題目方可服此方
產後六脉皆沉伏而遲主渾身厥冷非時噤
不識人

產後六脉動而疾胃脉滑而溢於尺澤腎脉
軟而虛弦此緣產遲忽衣遲既產後早起傷
風吐泄不定之脉宜溫其胃

產後六脉沉細而伏此寒氣在下要胃痛起動
不得

產後六脉沉細腎脉伏而沉肺脉虛而大產
後乳汁多故流出其乳汁冷而口乾此腎冷
肺虛寒不可以口乾爲上熱悞服涼藥此腎

少陰之脉從肺出絡心注胃中其直行者從
腎上貫肝鬲入肺中循喉臑夾舌本故如此
產後六脉洪大而結肝脉溢肺脉浮忽然乳
疼堅硬成塊將欲成癰腫

產後未經百日腹疼氣疼轉瀉不止六脉沉
細而虛此餘寒在中

產後心脉一指偏小而動又乳陷若肺脉重
而洪大却無骨力則主乳多肺脉如常惟心
脉如此加之腎脉微細則小便虛憊

產後惡血行少腹中塊刺痛須六脉大而緊
肺脉緊而虛弦爲寒肺主少腹中有塊產後

血熱肝藏風搏生涎發爲疼痛即急心痛六
脉當得二陽一陰一陽實大一陰者沉也

產後尺澤虛軟而代至數不及白涕不止血
崩下帶

產後尺澤虛軟而代至數不及加之胃脉濡
濕而散即水土俱寒多下白涕產後六脉浮
而虛腎脉微而小至數遲來處無力絲絲若
代中風肌肉麻痺肢節牽抽非時增寒大府
虛冷

產後六脉浮而數來疾而去遲中風四肢躁
身軀疼精神昏悶大府祕澁產後亂喫物早

傷損脾氣非時腹脇脹滿飲食不快診其脉
胃脉遲而肝脉弱

產後亂喫物早傷損血氣身體虛弱飲食減
少眠如貓兒眼診其脉肺脉橫格而肝脉亢
傷微弱腎脉泛泛欲動而無力此血氣俱病
當調其血益其氣暖其胃使進食

產後腎脉微而沉胃脉濡濕而沉多緣寒氣
所損忽因坐草多時地之寒氣所損忽因坐
草多時地之寒氣所衝腹中成塊忽衝心背
臍腹疼痛嘔逆惡心不思飲食

產後血氣微弱六脉沉細重手取之細細乃

得脉氣別無陽脉唯肺脉差浮而弱主頭冷
重項頸痠非時間頭面上肌肉麻痺大腸虛
冷頻出後又多虛往或時泄瀉兩足沉重少
精神行步無力面黃瘦或未經百日經候通
行忽悞喫涼藥有此疾候忽自懷孕時間通
身寒冷至產後却有此疾但極以補腎補肝
藥補益其血氣而祛風邪藥助之

產後心虛中風心中戰慄驚動不安如人將
捕大府傷冷六脉微而肝心脉偏細沉又產
後只緣腎氣之虛寒風邪所中腎脉細而搏
以沉腎既受病傳其所勝心感腎邪非時驚

悸如人將捕初以益心氣去風邪藥治之次
當補其腎又次當益其肝足其血緣心受腎
邪而又肝氣微弱不能生其心氣故以三方
藥治之

產後肝腎虛冷受邪六脉虛微腎脉搏沉心
脉輕帶滑主產後肝虛中風產後血暈之疾
有二風搏血熱而暈即六脉洪大有骨力又
有一般大府虛冷却因使性激怒傷損肝心
其氣上逆因而血暈其狀頭覺重痛昏昏如
醉語聲低小但多思睡診其候六脉輕有骨
力不至洪大肺脉輕浮而不毛心脉促而朝

上此最爲用藥之難故作此一方

麻黃

去根一分

延胡索

芎

防風

官桂

去皮半兩

甘草

細辛

各二錢

羌活

木香

各一錢

右爲細末每服一錢半水一盞煎取九分
非時去滓服不要多服病止即住藥若氣
體虛微喫前藥未効却加壯熱頭痛面赤
如醉宜服此方

牡丹皮

荆芥穗

羌活

麻黃

去根

防風

各一分

甘草

二錢

右爲細末每服二錢水八分一盞煎一兩

沸急瀉出食後徐徐去滓熱服病已即止

產後餘惡血未下因感風邪與熱血相搏壯熱頭痛面赤如醉人眼瀉痧急昏悶不醒身如在虛空見食即吐食不住腹脉氣結而不勻逐位間絕然各有骨力而微此用藥亦難宜此方

麻黃

三錢

麥門冬

黃芩

羌活

大黃

荆芥穗

山梔子

芍藥

射干

各半

官桂

當歸

各一

甘草

炙三

右爲細末不要煨只生搗每服二錢濃煎薄荷湯調下若脉氣極有骨力應指而動

又當有伏涎當大府祕熱出後不通煎
二錢半取汁用調下牽牛末一錢半夏末
一字和滓服大府不熱不用牽牛

史載之方卷上終

載之治病用藥功不求異炮
炙製度自依本法以銖計者
蓋其審證精切不過三四服
立痛踰是而不效乃察病按
方之不審便當改轍不可泥
也此皆親試而得之非敢夸
大其說六銖為分四分為兩